

18.07.2015 19:10



Երևանում ներկայումս 27 հանրային պաշտպան է գործում, այդ թվում 4-ը՝ քաղաքացիական գործերով, ևս 28-ը մարզերում են, սակայն նրանցից մի մասը կես հաստիքով են աշխատում:

Հանրային պաշտպանի գրասենյակի ղեկավար Մելանյա Առուստամյանի կարծիքով՝ ռեսուրսները քիչ են, քանի որ աննախադեպ շատացել են գործերը: Որպես միջանկյալ լուծում՝ նախաձեռնել են անվճար խորհրդատվության օրեր, ինչն իրականացնում են Փաստաբանական դպրոցի ունկնդիրները:

Հանրային պաշտպանի գրասենյակի ղեկավարը «Փաստինֆո»-ի թղթակցի հետ զրույցում փաստում է, որ այս որոշումն օգնեց բեռնաթափել հանրային պաշտպանի գրասենյակի աշխատանքը, իսկ անվճար խորհրդատվություն տրամադրվում է բոլոր քաղաքացիներին:

Առաջիկայում մարզերում նախատեսվում է արտագնա խորհրդատվություն կազմակերպել, ներկայումս այդ խորհրդատվությունը կազմակերպվում է 4 մարզերում՝ Արարատում, Լուռիում, Կոտայքում և Շիրակում: Արարատի մարզի բնակիչները, մարզի բոլոր փաստաբանների կողմից անվճար խորհրդատվություն կարող են ստանալ յուրաքանչյուր ամսվա առաջին հինգշաբթի օրը: Լուռու մարզում՝ յուրաքանչյուր ամսվա առաջին ուրբաթ օրը, Կոտայքի մարզի Աբովյան քաղաքում՝ յուրաքանչյուր ամսվա առաջին շաբաթ օրը, իսկ Գյումրիում անվճար իրավաբանական խորհրդատվություն է տրամադրվում յուրաքանչյուր աշխատանքային օր:

Ինչպես նշեց Մելանյա Առուստամյանը, նախատեսվում է այս ծրագրի շրջանակն ընդլայնել եւ առաջիկայում մյուս մարզերում ևս կիրականացվի:

Շարունակությունը տես սկզբնաղբյուր կայքում